

A. 1801X. Donanda v. 227 =
494/E. 5/10.

Lida, 4. 9. 1924

Ad retroveniente in Patria

nostro caro et egregio Praesidente
me mitte cordiale et respectuoso
salutationes et augurios et
preca de diffunde meo "Revista"
In breve tempore me mitte manu-
scripto de manuale de Interlingua
pro Polonos.

Epistula super lectorato de Il.
in Universitate sequere.
Jeziński
devoto

Multo aestimato Domino

Prof. Univ. Dre G. Peano

Cavoretto-Torino

ITALIA.

227.

Diversitate de lingua que heri procura taedio solo ad exiguo minoritate de studiosos, hodie fi ultra molesto pro majoritate de homine civile. Illos qui per conceptione spirituale aut per interesse vol perveni ad fine commune, inter se magis et magis familiariza et desidera creatione de associatione.

Ad omni congressu internationale necessita interpretes numeroso; traductione de singulo propositione, de singulo objectione, de singulo sermone consume tempore non indifferente.

Ce orationes indirecto fi taedioso ad congressista qui ignorá lingua quem verte in alio lingua nationale, dum attende versione in proprio lingua. Alios auditore loque inter nationales cum periculo de perturba reunione; alios deambula et ute cautela de lege uno ex numeroso traductione edito ab congressistas cum expensa de supplemento.

Conversatione directo, discussione inter individuos qui loque idem lingua es sine dubio plus practico plus efficace.

Ad homines reunito ab vapore, ab electricitate, ab aviatione defice instrumento de intercomprehensione; per id necessita lingua auxiliare internationale.

Ex patiente studio de interlinguistas resulta evidente quod linguas de Europa habe numeroso vocabulo commune.

Vocabulario internationale coincide circa cum vocabulario latino scripto in vocabulario etymologico de anglo. Latino et anglo es duo extremo in tempore et spatio de lingua internationale. Gramatica pote es reducto ad pauco aut nihil; pauco horas suffice pro stude uno lingua internationale moderno quia omni es intelligibile ad primo visu aut quasi; ex istos plus facile, plus practico es *latino sine flexione* = INTERLINGUA conforme ad deliberatione de "*Academia pro Interlingua*". Omni se persuade de ce assertione dum lege idem capitulo in diverso lingua internationale.

Academia pro Interlingua seque et promove progressu de lingua internationale per studio theorico et practico.

Quota de associatione ad Academia es Fr. 10 per anno.

Praesidente: G. PEANO Prof. in Universitate de Torino, Cavoretto-Torino.

Thesaurario: Ing. G. CANESI, via Costigliole 1, Torino 5.